

ფინანსური ანგარიშგება 2022წელი შპს დელტა კონსალტინგი

შპს „დელტა კონსალტინგი არის საქართველოს კანონმდებლობის შესაბამისად რეგისტრირებული შეზღუდული პასუხისმგებლობის საზოგადოება საიდენტიფიკაციო ნომრით 401992162

კომპანიის ძირითდი საქმიანობა მოიცავს საინფორმაციო ტექნოლოგიების ინტეგრაცია და თანამდევი მომსახურებები. კომპანიის იურიდიული მისამართია ონიაშვილის 72. კომპანიის მფლობელები 31 დეკემბერი 2022 წლის მდგომარეობით არის გიორგი ჯალიაშვილი 60% დავით გიორგაძე 20% გიორგი მიროტაძე 20%. კომპანიის დირექტორი 2022 წლის ფინანსური ანგარიშგებისთვის არის გიორგი ჯალიაშვილი.

ფინანსური ანგარიშგება მოიცავს სრული შემოსავლის, ფინანსური მდგომარეობის, კაპიტალის ცვლილებების და ფულადი ნაკადების ანგარიშგებებს, ასევე ფინანსური ანგარიშგების განმარტებით შენიშვნებს.

ფინანსური ანგარიშგება მომზადებულია ისტორიული ღირებულების მეთოდით, თუ ქვემოთ მოცემულ საადრიცხვო პოლიტიკაში სხვა რამ არ არის ნახსენები. ისტორიული ღირებულება ზოგადად დაფუძნებულია აქტივების სანაცვლოდ გაცემული თანხის რეალურ ღირებულებაზე.

წინამდებარე ფინანსური ანგარიშგება წარმოდგენილია ქართულ ლარში, თუ ეს სხვაგვარად არ არის მითითებული.

კომპანიის ხელმძღვანელობამ შეაფასა კომპანიის უნარი გააგრძელოს საქმიანობა, როგორც ფუნქციონირებადმა საწარმომ და დაკმაყოფილდა იმით, რომ მას გააჩნია რესურსები საქმიანობის გასაგრძელებლად. უფრო მეტიც, ხელმძღვანელობისთვის უცნობია რაიმე მნიშვნელოვანი გარემოების შესახებ, რამაც შესაძლოა ხელი შეუშალოს ან ეჭვი დაბადოს კომპანიის მიერ საქმიანობის გაგრძელების უნართან დაკავშირებით.

ხელმძღვანელობა მიიჩნევს, რომ კომპანიას არ გააჩნია ფუნქციონირებადობის საფრთხე და საქმიანობა გაგრძელდება ფინანსური ანგარიშგების თარიღიდან მინიმუმ თორმეტი თვის განმავლობაში.

კომპანიის ფინანსური ანგარიშგების მომზადება მოითხოვს ხელმძღვანელობისგან შეფასებებს და დაშვებებს კომპანიის სამომავლო ფუნქციონირებაზე. ეს შეფასებები და დაშვებები ეყრდნობა წარსულ გამოცდილებასა და მრავალ სხვა ფაქტორს, რომლებიც გარემოებათა გათვალისწინებით მიზანშეწონილად მიიჩნევა. ფაქტობრივი შედეგები შესაძლოა განსხვავდებოდეს ამგვარი შეფასებებისგან სხვადასხვა დაშვებებისა თუ პირობების მიხედვით. ქვემოთ მოცემულია შეფასებები და დაშვებები, რომლებიც მნიშვნელოვანია კომპანიის ფინანსური მდგომარეობისთვისა და ფინანსური შედეგებისთვის.

შესაბამისად, ფინანსური ანგარიშგება მომზადებულია ფუნქციონირებადი საწარმოს დაშვების საფუძველზე



ფინანსური ანგარიშგების ახსნა განმარტებითი შენიშვნები
სააღრიცხვო პოლიტიკის მიმოხილვა

შეძენილი არამატერიალური აქტივები აღირიცხება თვითღირებულებით, დაგროვილი ამორტიზაციისა და გაუფასურების ზარალის გამოკლებით. ამორტიზაციის ხარჯი ერიცხება არამატერიალური აქტივის სასარგებლო მომსახურების ვადის განმავლობაში (5 წელი) მოგება-ზარალის ანგარიშგებაში, თუ მსგავსი მომსახურების ვადა უსასრულო არ არის.

მარაგები აღირიცხება თვითღირებულებასა და წმინდა სარეალიზაციო ღირებულებას შორის უმცირესით. თვითღირებულება განისაზღვრება საშუალო შეწონილის საფუძველზე და შეიცავს დანახარჯებს, რომელიც დაკავშირებულია აქტივის შეძენასთან და მის არსებულ სამუშაო მდგომარეობაში მოყვანასთან. წმინდა სარეალიზაციო ღირებულება არის ბიზნესის ჩვეულებრივ პირობებში საქმიანობისას არსებული აქტივის გასაყიდ ფასს გამოკლებული დანახარჯები, დაკავშირებული აქტივის გაყიდვასთან.

უცხოურ ვალუტაში არსებული მონეტარული აქტივები და ვალდებულებები ანგარიშგების თარიღში გადაყვანილია კომპანიის ფუნქციონალურ ვალუტაში (ქართული ლარი, ლ), საქართველოს ეროვნული ბანკის მიერ დადგენილი ოფიციალური გაცვლითი კურსის მიხედვით:

	USD / ლ	EUR / ლ
გაცვლითი კურსი 2021 წლის 31 დეკემბერს	3.10	3.50
საშუალო გაცვლითი კურსი 2022 წლის 31 დეკემბერს დასრულებული	2.92	3.08
გაცვლითი კურსი 2022 წლის 31 დეკემბერს	2.70	2.88

ტრანზაქციის თარიღის შემდეგ მომხდარი კურსთაშორის სხვაობის შედეგად მიღებული მოგება ან ზარალი აღიარდება მოგება-ზარალში. უცხოურ ვალუტაში გამოხატული და ისტორიული ღირებულებით ასახული არამონეტარული აქტივები და ვალდებულებები ასახულია ტრანზაქციის თარიღისათვის მოქმედი გაცვლითი კურსის შესაბამისად.

კომპანიის კაპიტალი შედგება საწესდებო კაპიტალისგან და გაუნაწილებელი მოგებისგან, რომელიც კომპანიას დაუგროვდა წლების განმავლობაში. წინასწარი გადახდები ჩამოიწერება მოგებაში ან ზარალში როდესაც ხდება იმ საქონლის ან მომსახურების მიღება, რომელიც დაკავშირებულია წინასწარი გადახდებთან. თუ არის რაიმე სახის ეჭვი, რომ საქონელი, მომსახურება ან ძირითადი საშუალება არ იქნება მიღებული, რომლისთვისაც გამოწვეულია წინასწარი ხარჯი, ამ შემთხვევაში ხდება წინასწარ გაწეული ხარჯების ჩამოწერა მიმდინარე პერიოდის მოგება-ზარალში.

შემოსავალი აღიარდება, როცა მოსალოდნელია, რომ ეკონომიკურ სარგებელს მიიღებს კომპანია და შემოსავლის გაზომვა საიმედოდაა შესაძლებელი. საქონლის რეალიზაციით შემოსავალი აღიარდება, როცა ხდება კლიენტისთვის საქონლის მიწოდება და საკუთრების უფლების გადაცემა. შემოსავალი არის საქონლის საფასურად მიღებული ან მისაღები ანაზღაურების რეალურ ღირებულებას გამოკლებული უკან დაბრუნებები, სავაჭრო ფასდაკლებები და გაყიდვებზე დამოკიდებული გადასახადები (მაგალითად დღგ).

თავდაპირველი აღიარების დროს, ძირითადი საშუალებები აღირიცხება თვითღირებულებით, რაც მოიცავს შესყიდვის ფასს და ნებისმიერ ხარჯს, რომელიც პირდაპირ დაკავშირებულია აქტივის დანიშნულების ადგილამდე მიტანას და სამუშაო მდგომარეობაში მოყვანასთან. თავდაპირველი აღიარების შემდეგ, ძირითადი საშუალებების აღირიცხვა ხდება თვითღირებულებიდან დაგროვილი ცვეთის გამოკლებით.

ცვეთის გამოთვლა წარმოებს იმგვარად, რომ გახორციელდეს აქტივის თვითღირებულებასა და ნარჩენ ღირებულებას შორის სხვაობის ჩამოწერა, მისი სასარგებლო მომსახურების ვადის განმავლობაში. კომპანია აკეთებს ძირითადი საშუალებების გამოყენების ხანგრძლივობის შეფასებას, რისთვისაც ითვალისწინებს სხვადასხვა ფაქტორებს, ისეთებს, როგორიცაა ტექნიკური მხარე, კომერციული გამოყენება, აქტივების გამოყენების ხანგრძლივობა, სიმძლავრე და ფიზიკური მდგომარეობა.



ძირითადი საშუალებები და არამატერიალური აქტივები

ძირითადი საშუალებების ჯგუფები	2021წ 31 დეკემბრის მდგომარეობით	2020წ 31 დეკემბრის მდგომარეობით	2022წ 31 დეკემბრის მდგომარეობით
მიწის ნაკვეთები	55,442.25	55,442.25	55,442.25
შენობა ნაგებობები	570,154.00	600,162.00	649,261
დაუმთავრებელი მშენებლობა	67,929.75	51,556.00	
მანქანა დანადგარები	11,150.00	9,095.00	9137
ოფისის აღჭურვილობა კომპიუტერული ტექნიკა	594,927.00	602,375.00	663 380
ავეჯი და სხვა ინვენტარი	68,592.00	48,110.00	57 935
ავტოსატრანსპორტო საშუალებები	507,408.00	345,456.00	479 015
არამატერიალური აქტივები	23,380.00	10659	28443
	1,898,983	1,722,855	1 942 613

სასაქონლო მატერიალური მარაგები

სასაქონლო მატერიალური მარაგები შეადგენს გასაყიდად გამიზნულ საქონელს და დამხმარე მასალას საგარანტიო მომსახურებისთვის

სავაჭრო მოთხოვნები

კომპანიის სავაჭრო და სხვა მოთხოვნები 2021 წლის 31 დეკემბრის, 2020წლის 31 დეკემბრისა და 2022 წლის 31 დეკემბრის ს მდგომარეობით შემდეგნაირად გამოიყურება:

	2021 წ. 31 დეკემბერი	2020 წ. 31 დეკემბერი	2022 წ. 31 დეკემბერი
მოთხოვნები	1,602,145.00	751,635.00	603 739
გადახდილი ავანსები	1,098,508.00	419,688.00	1 579 537
სხვა მიმდინარე საგარანტიო წინასწარ გადახდები და საგადასახდო აქტივი		160,432.00	2 694 330
სულ	2,700,653.00	1,331,755.00	4 877 606

მოთხოვნების რეალურ ღირებულებასა და საბალანსო ღირებულებას შორის სხვაობა არ არის არსებითი.

სავაჭრო და სხვა ვალდებულებები

კომპანიის სავაჭრო და სხვა ვალდებულებები 2021 წლის 31 დეკემბრის, 2020წლის 31 დეკემბრისა და 2022 წლის 31 დეკემბრის მდგომარეობით შემდეგნაირად გამოიყურება:

	2021წ 31 დეკემბერი	2020წ 31 დეკემბერი	2022 წ. 31 დეკემბერი
სავაჭრო ვალდებულებები მათ შორის	275,952.00	359,286.00	410 327
ადგილობრივი	205,467.00	355,706.00	299 982
უცხოელი მომწოდებლები	70,485.00	3,580.00	110 345
მიღებული ავანსები	779,901.00	779,083.00	1 300 000
მიმდინარე სასესხო ვალდებულებები			317 772
გრძელვადიანი სასესხო ვალდებულებები			
	1,055,853.00	1,138,369.00	2 028 099

სავაჭრო და სხვა ვალდებულებების რეალურ ღირებულებასა და საბალანსო ღირებულებას შორის სხვაობა არ არის არსებითი.



საოპერაციო შემოსავლები

კომპანიის საოპერაციო შემოსავალი 2022 წელში შედგება მომსახურებიდან და საქონლის რეალიზაციიდან მიღებული შემოსავლებისაგან

საერთო აღმინისტრაციული და სხვა საოპერაციო ხარჯი

	2021წ	2022წ
კომუნალური ხარჯი	35,878.00	52 057
დაზღვევის ხარჯები	24,968.00	31 039
ავტომობილის შენახვის ხარჯი	52,981.00	61 596
მივლინების ხარჯი	57,948.00	105 478
გარანტიის ხარჯი	63,499.00	107 537
თანამშრომელთა სწავლება და გამოცდაზე გასვლა	26,595.00	6 403
სხვა ხარჯები	333,735.00	630 014
სულ	595,604.00	994 124

საქართველოს საგადასახადო კანონმდებლობა ექვემდებარება არაერთმნიშვნელოვან ინტერპრეტაციას. კომპანიის ჩვეულებრივი საქმიანობის პირობებში არსებობს ისეთი ოპერაციები, რომელთათვისაც ნათლად არ არის განსაზღვრული ამა თუ იმ გადასახადთან დაკავშირებული საკითხები. შედეგად, კომპანია აფასებს, ეკისრება თუ არა მას დამატებითი გადასახადების გადახდის ვალდებულება და მათზე დაყრდნობით აღიარებს საგადასახადო ვალდებულებებს. ეს საგადასახადო ვალდებულებები აღიარდება მაშინ, როდესაც კომპანიას მიაჩნია თავისი საგადასახადო დეკლარაციები საიმედოდ, მაგრამ იგი თვლის, რომ შესაძლოა საგადასახადო ორგანოების მხრიდან გარკვეული პოზიცია იყოს განსხვავებული. შედეგად კომპანია ცდილობს მინიმუმამდე დაიყვანოს აღნიშნული რისკი.

ფინანსური რისკების მართვა

საოპერაციო, საინვესტიციო და ფინანსური საქმიანობის განხორციელებისას კომპანიას გააჩნია შემდეგი ფინანსური რისკები:

ლიკვიდობის რისკი: რისკი იმისა, რომ კომპანიას არ ექნება, ან ვერ ამოიღებს ნაღდ ფულს საჭირო დროს და ამის შედეგად აღმოჩნდება სირთულეების წინაშე ფინანსურ ვალდებულებებთან დაკავშირებული მოვალეობების შესრულების თვალსაზრისით;

საბაზრო რისკები: რისკი იმისა, რომ საბაზრო ფასების ცვალებადობის შედეგად შეიცვლება ფინანსური ინსტრუმენტის ღირებულება ან ფულადი სახსრების მომავალი ნაკადები რეალური ღირებულების თვალსაზრისით. კომპანია ექვემდებარება საპროცენტო განაკვეთის და სავალუტო რისკებს საბაზრო რისკის ძირითადი სამი კომპონენტიდან.

აღნიშნული რისკების ეფექტურად მართვის მიზნით, კომპანია იყენებს შემდეგ ძირითად პრინციპებს:

საპროცენტო განაკვეთის, ვალუტის და ფასების რისკების მინიმუმამდე შემცირება ყველა სახის ტრანზაქციისათვის;

ბუნებრივი ჰეჯირების“ მაქსიმალური გამოყენება შემოსავლების და ხარჯების, მოთხოვნების და ვალდებულებების ერთ ვალუტაში დენომინირების მცდელობით. ანალოგიური სტრატეგია გამოიყენება საპროცენტო განაკვეთის რისკთან მიმართებაში;

ფინანსური რისკების მართვის ღონისძიებები ხორციელდება გონივრულად და თანმიმდევრულად, ბაზრის საუკეთესო პრაქტიკის შესაბამისად.

ლიკვიდურობის რისკი - ფინანსური აქტივებისა და ვალდებულებების ვადიანობის ანალიზი. კომპანია მართავს ლიკვიდობის რისკს, დაფარვის მოსალოდნელი ვადებიდან გამომდინარე.

უცხოურ ვალუტაში დენომინირებული აქტივები და ვალდებულებები იწვევენ სავალუტო რისკს. კომპანიას არ აქვს ფორმალური პროცედურები სავალუტო რისკის მართვასთან მიმართებაში, თუმცა ხელმძღვანელობა საკუთარ თავს მიიჩნევს კარგად ინფორმირებულად ეკონომიკაში მიმდინარე მოვლენების შესახებ და ისინი დგამენ გარკვეულ ნაბიჯებს სავალუტო რისკის შესამცირებლად.

დაკავშირებული მხარეები

კომპანიას არ გააჩნია ისეთი ოპერაციები და ნაშთები დაკავშირებულ მხარეებთან, რომლებიც უნდა იყოს აღნიშნული მიმდინარე ფინანსურ ანგარიშგებაში.

საანგარიშგებო პერიოდის შემდეგ მომხდარი მოვლენებს ადგილი არ ქონია რაც გავლენას იქონიებდა კომპანიის ფინანსურ ანგარიშგებაზე



შპს „დელტა კონსალტინგი“ მმართველობითი ანგარიშგება 2022 წლის დასრულებული წლისათვის

ორგანიზაციის ბიზნეს განვითარება, ფინანსური მაჩვენებლები და მდგომარეობა

შპს „დელტა კონსალტინგი“ არის საქართველოს კანონმდებლობის შესაბამისად რეგისტრირებული შეზღუდული პასუხისმგებლობის საზოგადოება. კომპანიის ძირითადი საქმიანობა მოიცავს საინფორმაციო ტექნოლოგიების ინტეგრაციას და თანამდევ მომსახურებებს

კომპანიის სათაო ოფისი მდებარეობს ქ. თბილისი ონიაშვილის ქ72

კომპანიას იურიდიულად არ ფლობს ფილიალებს.

კომპანიის მფლობელები 31 დეკემბერი 2022 წლის მდგომარეობით არის გიორგი ჯალიაშვილი 60% დავით გიორგაძე 20% გიორგი მიროტაძე 20% . კომპანიის დირექტორია გიორგი ჯალიაშვილი

2019 წლის 31 დეკემბრის მდგომარეობით კომპანიის კაპიტალი შეადგენდა 3 995 638 ლარს

2020 წლის 31 დეკემბრის მდგომარეობით კომპანიის კაპიტალი შეადგენდა 4 963 403 ლარს

2021 წლის 31 დეკემბრის მდგომარეობით კომპანიის კაპიტალი შეადგენდა 6 740 856 ლარს

2022 წლის 31 დეკემბრის მდგომარეობით კომპანიის კაპიტალი შეადგენდა 9 869 968 ლარს

შემოსავალი შემოსავალი 2019წელში 10 217 499 ლარი.შემოსავალი 2020 წელში 9 181 254 ლარი. 2021 წელში 12 473 006 ლარია. 2022 წელში 15 316 332 ლარია.

კომპანიის სტრატეგია

კომპანიის მთავარ მიზანს წარმოადგენს ოპერაციების და რენტაბელობის გაძლიერება, ისევე როგორც ბაზარზე საკუთარი პოზიციის გამყარება და ამავდროულად იმის ხაზგასმა, რომ მომხმარებელს სთავაზობს სანდრო მომსახურებასდა პროდუქციას, რასაც თან ახლავს უმაღლესი ხარისხის საგარანტიო მომსახურება.

საქმიანობის მიმოხილვა

კომპანია ბაზარს ამარაგებს უმაღლესი ხარისხის პროდუქციით და ქმნის საქართველოზე ადაპტირებულ მოქნილ სერვისებს. საერთაშორისო გამოცდილებისა და პროფესიონალიზმის გაზიარებით ვქმნით და ვამაღლებთ ხარისხის სტანდარტებს

2022 წლის 31 დეკემბერს დასრულებული წლისათვის ორგანიზაციის სამომავლო გეგმები

კომპანიის სამომავლო გეგმები და ძირითადი მიმართულებებია:

- საბაზრო წილის ზრდა
- ლიკვიდურობის კოეფიციენტის შენარჩუნება
- ახალი მიმართულებების განვითარება



ძირითადი არაფინანსური მაჩვენებლების ანალიზი მოიცავს შემდეგს

საქმიანობის შედეგები		
საქმიანობის შედეგები	31/12/2022	31/12/2021
ნეტო ამონაგები	15,316,332.00	12,473,006.00
საქონლის გაყიდვიდან	15,316,332.00	12,473,006.00
გაყიდვების თვითღირებულება	(7,719,855.00)	(7,640,655.00)
საერთო მოგება	7,596,477.00	4,832,351.00
დასაქმებულთა ანაზღაურება	(1,658,446.00)	(1,357,408.00)
ცვეთა / ამორტიზაციის ხარჯი	(303,203.00)	(327,764.00)
საპროცენტო ხარჯი	(60,038.00)	-
იჯარის ხარჯი	(66,949.00)	(61,627.00)
ადმინისტრაციული და სხვა საოპერაციო ხარჯი	(994,124.00)	(595,604.00)
სულ საოპერაციო ხარჯები	(3,082,760.00)	(2,342,403.00)
საოპერაციო მოგება	4,513,717.00	2,489,948.00
წმინდა შემოსულობა / (დანაკარგი) უცხოური ვალუტით ვაჭრობიდან და სავალუტო სახსრების გადაფასებიდან	(75,921.00)	(28,304.00)
სხვა არასაოპერაციო შემოსავალი / (ხარჯი)	59,755.00	-
მოგება / (ზარალი) მოგების გადასახადის ხარჯამდე განგრძობითი ოპერაციებიდან	4,497,551.00	2,461,644.00
მოგების გადასახადის ხარჯი	-	-
საანგარიშგებო პერიოდის მოგება / ზარალი	4,497,551.00	2,461,644.00

ამონაგები 2022 წელს 2021 წელთან შედარებით გაზრდილია, რაც გამოწვეულია ახალი პარტნიორების მოძიებით

საზოგადოების საოპერაციო საქმიანობის შედეგების სტრუქტურა, ლარი

ფინანსური მდგომარეობა			
აქტივები	31/12/2022	31/12/2021	31/12/2020
ფულადი სახსრები და მათი ეკვივალენტები	2,414,674.00	1,607,906.00	2,260,815.00
სავაჭრო და სხვა მოთხოვნები	603,739.00	1,602,145.00	751,635.00
გადახდილი ავანსები	1,579,537.00	1,098,148.00	419,688.00
მარაგები	2,663,174.00	1,589,508.00	786,347.00
სხვა მოკლევადიანი აქტივები(წინასწარ გადახდილი გარანტია და საგადასახდო აქტივი)	2,694,330.00	-	160,432.00
სხვა არამატერიალური აქტივები	28,443.00	23,380.00	10,659.00
ძირითადი საშუალებები	1,914,170.00	1,875,603.00	1,712,196.00
სულ აქტივები	11,898,067.00	7,796,690.00	6,101,772.00



ვალდებულებები			
სავაჭრო ვალდებულებები	410,327.00	275,952.00	359,286.00
მოკლევადიანი ნასესხები სახსრები	317,772.00	-	-
სხვა ვალდებულებები(მიღებული ავანსი)	1,300,000.00	779,901.00	779,083.00
სულ ვალდებულებები	2,028,099.00	1,055,853.00	1,138,369.00
საკუთარი კაპიტალი			
სააქციო კაპიტალი (შპს-ს შემთხვევაში 'კაპიტალი', კოოპერატივის შემთხვევაში 'საპაიო კაპიტალი')	295,981.00	295,981.00	295,981.00
გაუნაწილებელი მოგება / (დაგროვილი ზარალი)	9,573,987.00	6,444,856.00	4,667,422.00
გადაფასების რეზერვი	-	-	-
საკუთარი კაპიტალის სხვა კომპონენტები	-	-	-
სულ საკუთარი კაპიტალი	9,869,968.00	6,740,837.00	4,963,403.00
სულ საკუთარი კაპიტალი და ვალდებულებები	11,898,067.00	7,796,690.00	6,101,772.00

ორგანიზაციის საკრედიტო, საბაზრო, ლიკვიდურობისა და ფულადი ნაკადის რისკი და მათი მართვის მექანიზმების მიმოხილვა

2022 წლის 31 დეკემბრის დასრულებული წლისთვის კომპანია მოელის ყველა ვალდებულების ვადაში დაფარვას ამისათვის საჭირო საკმარისი ფულის მიღება მოსალოდნელია საოპერაციო საქმიანობიდან ფულადი ნაკადების შემოდინებით.

ძირითადი რისკები და განუსაზღვრელობები, საწარმოს მიზანი და ფინანსური რისკის მართვასთან დაკავშირებული პოლიტიკა

- სავალუტო რისკი - შესყიდვების ძირითადი ნაწილი უცხოურ ვალუტაშია განხორციელებული, თუმცა გაყიდვების შედარებით მცირე ოდენობა - უცხოურ ვალუტაში. არსებობს ადგილობრივი ვალუტის გაუფასურების შედეგად ფინანსური ინსტრუმენტების საბაზრო ღირებულების შემცირების რისკი. მენეჯმენტის რეაგირება ამ საკითხთან დაკავშირებით შემდეგია: კომპანიას არ აქვს შემუშავებული ფორმალური პროცედურები სავალუტო რისკის სამართავად, თუმცა ხელმძღვანელობა მიიჩნევს, რომ კარგად არიან ინფორმირებული ეკონომიკაში მიმდინარე ტენდენციების შესახებ და დამენ გარკვეულ ნაბიჯებს სავალუტო რისკის შესამცირებლად.
- პოლიტიკური რისკი - არასტაბილურ პოლიტიკურ გარემოს შეუძლია უარყოფითი გავლენა მოახდინოს მთავრობისგან მიღებულ დაფინანსებაზე, შესაბამისად, შემოსავალსა და ლიკვიდურობაზე. მენეჯმენტის რეაგირება ამ საკითხთან დაკავშირებით შემდეგია: მენეჯმენტი ყურადღებით ადევნებს თვალყურს პოლიტიკური გარემოს განვითარებას, რათა წინასწარ განსაზღვროს მოსალოდნელი ცვლილებები და მოახდინოს შესაბამისი რეაგირება.

შპს „დელტა კონსალტინგის“ დირექტორი

გიორგი ჯალიაშვილი

